

الأساس: الكتاب الأول: الافتراضات الأساسية (75)

الإدراك (36)

«العين الداخلية» (7)

و«عملية اعتمال (معالجة) المعلومات» (6)

Information Processing

<http://www.arabpsynet.com/Rakhawy/RakD150512.pdf>

بروفيسور يحيى الرخاوي

[mokattampsy2002@hotmail.com](mailto:mokattampsy2002@hotmail.com) - [rakhawy@rakhawy.org](mailto:rakhawy@rakhawy.org)

نشرة "الإنسان والتطور" 2012/05/15

السنة الخامسة - العدد: 1719



### مقدمة:



ما زلنا مع رشاد وهو يرى بدايات خلل عملية اعتمال المعلومات رأى العين، بواسطة ما أسميناه "العين الداخلية"، وهو ما زال متماسكا (دون أن ينقسم)، ومازل كلامه العادي (مخه الأيسر) قادرا على التعبير عن ما جرى بشكل واضح منظم.

انتهت الحلقة السابقة بنهاية المقابلة الأولى، على وعد لقاء تال، لعله يحسم موضوع سفره للسعودية (بعد توقف عامين عن العمل، وبعد توفير عقد عمل هناك)، واعتراض الطبيب (شخصي) على التوقيت (سفره الآن)، وليس على المبدأ، كما أشار أنه قد يوافق على السفر تكون الأمور أكثر وضوحا، والمضاعفات أبعد احتمالا

استعادة "الفرض" وإضافة محدودة إليه

مقابلة رشاد 26-3-2009

انتهينا في الفقرة الأخيرة من الحلقة (5) بهذا الحوار:

دكتورة (د.م): هو حاجي الأسبوع الجاي يا دكتور؟

د. يحيى: طبعا حاجي اللي جاي، واللي بعده، واللي بعده، لو ما سافرشي.

وحضر رشاد فعلا الأسبوع التالي للمتابعة فكانت هذه المقابلة القصيرة الهامة التي سمحت بأن نكمل فحص ما جرى (كما رصدته العين الداخلية) قبل (أو دون) الإسراع بترجمتها إلى أعراض محددة، أو أسماء أمراض.

نبدأ بأن نعيد التذكرة، بالفرض الأساسي، لأنه هو الذي قد يفسر أقوال رشاد أولا بأول، ثم قد نلحقها بجزء من المقابلة التالية، (هذا، وسوف نكمل هذه المقابلة القصيرة غداً الأربعاء)

رشاد: السلامو عليكموا

د. يحيى: أهلاً وحشتنا، أعود أنا موافق

رشاد: على إيه؟

د. يحيى: مش على السفر على إنك تخفّ الأول

رشاد: البدايه جديده شويه

د. يحيى: احتياطي، مش أنا صنايعي يا بني!

فك هذا الأسلوب

نوع من المخاطرة،

فقد يطيّب وقد

يخيّب مثل هذا

المدّس، لكنها

مخاطرة إن صحّت

فإنها تقرب المسافة

بين الطبيب وورشاد

## وتتسرع بالموالفة المطلوبة

رشاد: صنایعی ازای؟

د.یحیی: صنایعی فی شغلتي زيک يا أخي، مش انت صنایعی؟

رشاد: أه

(\* ) البداية تبدو هنا نوعاً من الاسراع بالموالفة لما ما تصوره الطبيب الدافع الذي أتى برشاد للمقابلة، فقد رجح الطبيب أن رشاد لم يأت للمتابعة والعلاج، وإنما لأخذ الموافقة على السفر وفي هذا الأسلوب نوع من المخاطرة، فقد يصيب وقد يخيب مثل هذا الحدس، لكنها مخاطرة إن صحّت فإنها تقرب المسافة بين الطبيب ورشاد وتتسرع بالموالفة المطلوبة، وفيها مفاجأة للمريض حين يحسب أن الطبيب وافق على سفره، وإذا بموافقته اعتراض صريح، وتمسك بنصيحته الحاسمة ألا يسافر.

د.یحیی: أهو أنا صنایعی زيک

(\* ) أكرر ذكر اعتزاي بهذه الصفة "صنایعی" وهو ما أكره للمرضى عادة، وقد يدهش منه زملائي المتدربين الأصغر مع درجة من الرفض، على اعتبار أنهم ما صدقوا أن صاروا أطباء، وكل واحد منهم دفع من عمره ووقته ما دفع لينادونه في النهاية بيا "دكتور"، فكيف يجد فجأة أن غاية المطاف (متمثلاً في أستاذه) أن يكون "صنایعی" بهذه البساطة، وأتصور أنه لا توجد كلمة يمكن أن تحمل رسالة أننى أمارس "فن اللأم" و"فن المداواة" ومؤخراً "إبداع نقد النص البشري" مثل هذه الكلمة "صنایعی"، ولا حتى كلمة "فنان"، ولا كلمة مبدع، ولا كلمة ناقد.

رشاد: مطبوظ

د.یحیی: بس...!!! صنعتی بتقول كده، إنك مش مشغول إلا بالسفر، إنما أنا مشغول بإنك تخف

رشاد: هو انا لازم أخف من إيه؟

د.یحیی: من إيه ؟؟؟!!!!

رشاد: هو اللي عندى ده مرض؟

د.یحیی: (ساخرا) لأ والله، دلغ!!

رشاد: أنا شاكك انه مش مرض

د.یحیی: يعنى دلغ يعنى؟

رشاد: لأه مش دلغ

د.یحیی: ما هو المرض ممكن يبقى لعبة كده، شبه الدلع

(\* ) كثيراً ما يأتي المريض في بداية الذهان وبعد أن يشكو شكواه التي قد يتعجب هو منها قبل الطبيب، أو مثل الطبيب، ثم يلحق ذلك بقوله "الظاهر يا دكتور أنا بتدلغ" ويكون صادقاً في نقده لذاته، لأنه في هذه المرحلة يشعر أن ما تحرك بداخله هو "ذات أخرى" تحررت ولو جزئياً من وصاية الذات القائدة (صانعة الخطوات Pace Maker) طول الوقت، لكن رشاد مازال يستقبلها على أنها "أنا"، وهي فعلاً هو، وبما أنه يرى ببصيرته (التي إحدى تجلياتها عينه الداخلية،

أتصور أنه لا توجد  
كلمة يمكن أن تحمل  
رسالة أنك أمارس  
"فن اللأم" و"فن  
"المداواة" ومؤخراً  
"إبداع نقد النص  
البشري" مثل هذه  
الكلمة "صنایعی"،  
ولا حتى كلمة "فنان"،  
ولا كلمة مبدع، ولا  
كلمة ناقد.

وليس مجرد الاستبطان كما ذكرنا) أنها ذات طفلة، أو ذات لعوب، تستسهل وتهم بالانسحاب من الواقع، بواسطة ما يسمى "الحل المرضى" فإنه يلتقط كل ذلك، وهكذا فإن المريض فى بداية الذهان خاصة كثيرا ما يصرح بهذا التعبير "الظاهر يا دكتور أنا بتدلج" الذى لم يرد فى نص كلام رشاد بل إنه نفاه " لأ مش دلج"، وهذا يحتاج إلى تفسير خاص، لأن النفى هنا يمكن أن يفيد الإثبات من ناحية، ولأنه فى نهاية النهاية، حتى لمن يقول "الظاهر يا دكتور أنا بتدلج" ليس "دلعا"، بل حلا لا يسمى مرضا إلا بعد فشله، فهو مجرد إعلان يشير إلى أن المرض (بما فى ذلك الجنون) هو اختيار على مستوى ما من مستويات الوعى كما ذكرنا مرارا، المريض، أكثر من الشخص العادى، يقبل هذا الاحتمال ، احتمال أن يكون هذا الحل هو استسهال اقرب إلى "الدلع"، على شرط ألا يصله مثل هذا الاحتمال على أنه اتهام، وإنما يتم من خلال لغة مشتركة ومحاولات اقتراب للإتارة، فتكون البداية (بداية العلاقة، فالعلاج) أكثر قربا وموضوعية.

رشاد: أنا ما عرفش إيه هو الدلع

د.يحيى: إيه؟!؟

رشاد: يعنى إيه دلج؟

د.يحيى: ماتسمعشى عن "الدلع المرق اللى كل ما يمشى يدلق"

رشاد: ده شأى ده ولا إيه اللى يدلق؟

(\* ) هذه إما لمحة لتفكير عياني **Concrete thinking** عجز عن تجريد "المثل العامى"، وإما جهل شديد بالمثل، ومع ذلك فإن هذا الإنكار يجعلنا نتناول حالة رشاد باحترام أكثر، باعتبار أنه يصف فعلا تغيرا تركيبيا طرأ على داخله، وبالذات فيما يتعلق بعملية "اعتماد المعلومات" ، فأين الدلع إذن، ويكون رده " ده شأى ده ولا إيه اللى يدلق"، هو أقرب إلى رفض ضمنى لهذا التفكك السخيف نوعا، ورغبة فى التركيز الجاد على ما أصابه.

د.يحيى: .....(يعنى) بعد الهيصه دى كلها تقول لى هو اللى عندى مرض؟ أصوات وكلام

واضطهاد وقله شغل وتقول مش مرض، الله يخرب بيتك، أمال حا يكون إيه يا شيخ؟

رشاد: هو انا شاكك بصراحة

د.يحيى: أنا مش شاكك بقى، دى شغلتنى وأنا باقول لك من خلالها إنه مرض.

رشاد: إزاي يعنى ؟

د.يحيى: مش انت سواق وحاجات كتير تانية، خلىنا فى السواقة إنت لما تروح لواحد ميكانيكى

وتقوله أنا مسافر مرسى مطروح بالعربية دى، والعربية فيها حاجة مش كويسة، مش بيقول لك لأ ما

تسافرش؟

رشاد: هو لو عنده ضمير حا يقول لأه

د.يحيى: وأنا ما عنديش ضمير يعنى؟

رشاد: لأ ما أقصدش حاجة والله

د.يحيى: طب خلاص ما أنا باقول لك أهه: ما تسافرشى

كثيرا ما يأتك

المريض فك بداية

الذهان وبعد أن

يشكو وشكواه التـكـ

قد يتعجب هو منها

قبل الطبيب، أو مثل

الطبيب، ثم يلحق

ذلك بقوله "الظاهر

يا دكتور أنا بتدلج"

ويكون صادقا فك

نقده لذاته

فك هذه المرحلة

يشعر أن ما تحرك

بداخله هو "ذات  
أخرى" تحورت ولو  
جزئياً من وصاية  
الذات القائدة  
(صانعة الخطوات  
(Pace Maker

رشاد: ما هو مستقبلي برضك

د.يحيى: ما أنا عارف، بس نحسبها سوى

رشاد: نحسبها

د.يحيى: كل شئ وله أوان، وكل وقت وله أذان

رشاد: بس السفر بقى ضرورى ضرورى

د.يحيى: يمكن فعلا ضرورى، بس ده مش وقته خصوصاً بعد ما قلت النهاردة "هو أنا عندى مرض"؟ أنا اتخضيت إنك ما تشوفش خطورة اللي عندك، خفت من العمى ده، وبعدين تقول عايز تسافر وانت بالعمى ده كله؟ وانت لوحدك!!؟! صعب يا ابني، لو مفتاح كفاية كنت أقول لك روح واستحمل، واحنا مع بعضينا حتى وانت بعيد، تقدر تكلم الدكتور ه "م" مثلا، إنما بالشكل ده تقول لى "هو اللي عندى ده مرض"، واسيبك لوحدك؟ دى مسئولية، لو هو مش مرض إمال هو اللي عندك أيه؟!

(\* إنكار "رشاد" للمرض لا يعنى عمى بمعنى فقد البصيرة بالمعنى

الشائع، وإنما هو يأتى من منطلق الهدف الذى نقدم به هذه الدراسة هو تأكيد أن ما يعيشه رشاد هو "حقيقة أخرى" ، لا أكثر ولا أقل، ويبدو أن قبول الطبيب بهذه الفكرة بأنها "حقيقة أخرى" من بداية المقابلة هو الذى شجع رشاد أن ينكر تسميته مرضاً، خاصة عند الأطباء، لكنه لا ينكر غرابته، وأثره المعطلّ عموماً، وقد أصبح تركيزه على السفر هنا دافعا جديدا لرفض تسمية ما به مرضاً، حتى لا يحول ذلك دون سفره، مع أن السفر مهما بدت أسبابه وجيهة موضوعيا، إلا أنه يمكن أن يكون تحديا واردا، ذا احتمالين : أن يكون تجنباً للاعتمادية فالتمادى فى الحل المرضى، أو أن يكون هرباً من العلاج، ومن ثم حرمانه من هذا الاختيار الذى لاح له من داخله ، مهما بدا خطرا على تماسكه ووحديته، ومن ثم "الفصام"

د. يحيى (تكرار المقطع الأخير) ..... لو هو مش مرض إمال هو اللي عندك ده أيه؟!

رشاد: مرض

د.يحيى: حاترجع فى كلامك عشان أقول لك سافر، لأه ما تستعجلش، رزقك حايجيلك لحد عندك إنشاء الله، وحاتسافر وكله فى الوقت المناسب

رشاد: أصله مستقبلي برضك

د.يحيى: يا حبيبي يا ابني أنا فاهم، ما ينفعش دلوقتي، أنا صنايعى زى الميكانيكى باقول لك العرييه لسه مش مضمونة، العرييه فى التليين لسه، إنت لما بتسوق وتكون العرييه بتتلين لسه ، مش بتكتب يافطة على العرييه مكتوب عليها: "العرييه فى التليين"، عشان العرييات التانية تاخذ بالها؟!

رشاد: آه بتمشى براحتها

د.يحيى: أيواه، بتمشى براحتها، فا إنت دلوقتي فى التليين لسه، وبعدين إنت كنت بتقول عاوز أقابل الدكتور يحيى عشان كده، ولا عشان حاجة تانية؟!

رشاد: لأه عشان السفر يعنى

د.يحيى: أه شفت بقى أنا عرفت إزاي من غير ما تقول

رشاد: لأ طبعاً مش كده وبس، قصدى عشان السفر، وبرضه عشان حاجة تانية

د.يحيى: أيه هى الحاجة التانية دى بقى؟

فك نهاية النهاية،

حتك لمن يقول

"الظاهر يا دكتور

أنا بتدلع" ليس

"دلعا"، بل حلا لا

يسمك مرضاً إلا بعد

فشله، فهو مجرد

إعلان يشير إلـك أن

المرض (بما فك ذلك

الجنون) هو اختيار

علك مستوح ما من

رشاد: يعنى عشان أشوف إيه اللي عندى  
 د.يحيى: طبيب، ولما تشوف إيه اللي عندك ونقول إسمه كذا، حا تعمل إيه؟ مش الأحسن تشوف  
 حانعمل إيه فيه، حانتصرف إزاي؟ هو احنا حندورّ على نمرّة العربية ولآ على إنها تنفع تسافر  
 مرسى مطروح، يعنى هو أنهو الأهم؟ نسأل المرض ده اسمه إيه، ولا نشوف حانعمل فيه إيه، انت  
 اللي عندك مش شوية يا رشاد يا ابنى.

(\* ) يمكن الرجوع إلى أول حديثنا عن الفصام وعن موقع التشخيص

ماله وما عليه أيضا

رشاد: أروح العباسيه بقى؟

د.يحيى: إنت تطول!! يا راجل حمد الله على السلامة

رشاد: الله يسلمك

د.يحيى: يعنى باختصار مافيش سفر

رشاد: لأه صعب دلوقتي

(\* ) قول الطبيب : "انت تطول!!" ربما يشير إلى تنبيه رشاد أنه لم

يستطع أن يتمادى فى أن يتفسخ ويتدهور حتى يصل إلى درجة خطيرة  
 تجعله من نزلاء العباسية، وهو المعنى الذى يعنيه العامة عادة  
 بـ "تروح العباسية" وهذا التعبير "انت تطول" يشير أيضا إلى أن هذا  
 المرض حين يتمادى يصبح أقل إرهاقا للمريض لأن مواجهته لداخله  
 وخارجه تكون أقل شدة وتحديا.

أما إلحاق ذلك بتعبير "حمد الله على السلامة" فهو أسلوب أتبعه  
 لأسارع ضمنا فى التأكيد على أن رشاد قد وافق ولو جزئيا على العلاج  
 أولا، لإيقاف مسار المرض، بالتعاون على طريق الشفاء.

د.يحيى: طبيب مافيش سفر دلوقتي، بس يعنى ممكن بعد جمعه تختلف الأمور، ولآ بعد جمعتين، إنت  
 خليك على أتصال بالدكتور هـ "م" وحا نشغل هنا لحد ما تشوف الفرص، ونشوف الفيزه ونشوف الكفيل  
 ونشوف الكلام ده، واحنا اللي نقرر سواء، أنا وانت والدكتورة "م".

رشاد: بعد كل الخطوات دى كلها ممكن يبقى فيه قرار تانى؟

د.يحيى: أيوه، هى مش مسئولية ولا إيه؟

رشاد: يعنى حاتوافق حضرتك على السفر؟

د.يحيى: ما أنا ما عرفش إيه اللي حاجد

رشاد: لأه، إنت تدلنى على الطريق الصح

د.يحيى: الطريق الصح دلوقتي إنك ما تسافرشى، لكن بعد جمعه يمكن يبقى فى الأمور أمور

رشاد: خلاص ماشى

د.يحيى: خلى بالك أنا عارف أكل العيش يعنى إيه اليومين دول، بس صنعتى بتقول لى لأه مافيش  
 سفر دلوقتي، لما يخلص التليين، تبقى تعمل اللي انت عاوزه، خلينا دلوقتي ماشين على ستين وثمانين  
 لما يخلص التليين تمشى على 140 إنت حر، وبرضه يبقى فيه خطر، يمكن تعمل حادثة تموت فيها

رشاد: ما حدش حا يعيش يا دكتور

د.يحيى: طبيب ومستعجل ليه بقى

رشاد: خلاص كده؟

د.يحيى: آه طبعا

السفر مهما بدت  
 أسبابه وجيهة  
 موضوعيا، إلا أنه  
 يمكن أن يكون  
 تمديا واردا، ذأ  
 احتمالين : أن يكون  
 تجنباً للاعتمادية  
 فالتمادك فك الحل  
 المرضك، أو أن يكون  
 هربا من العلاج، ومن  
 ثم حرمانه من هذا  
 الاختيار الذك لاح له  
 من داخله ، مهما بدأ  
 خطرا على تماسكه  
 وواحديته، ومن ثم  
 "الفصام"

رشاد: لأ بجد؟

د. يحيى: أه والله إبه عاوز حاجة ثانية؟

رشاد: لأ يعنى، قصدى بس كفاية القعدة جنب حضرتك يعنى

د. يحيى: متشكرين، إحنا نشوفك الجمعة الجاية، ويمكن نخصص المقابلة كلها لك، عشان نعرف أكثر، ونقرر أحسن.

(\*) .. وفعلا، حدثت فى الأمور أمور سوف يعرفها القارئ مع تتبّع الحالة، لكننا نذكر هنا أن تدخل الطبيب المباشر هكذا فى قرارات رشاد - وهو ما سبق أن شرحنا تفسيره وتبريراته - هو أمر متعلق بثقافتنا، أى بدور الطبيب ومسئوليته (والدا "صناعيا"، "ناقدا" عنده معلومات طبيه) وباطنا، فهو لا يمنع مريضه من اتخاذ القرار ولا من التصرف ضد ما يشير به (مثلا فعل رشاد لاحقا، أنظر بعد) ولكنه يعلن موقفه بوضوح حاسم دون ادعاء أن "مريضه حرا"، فى حين أنه يعلم أنه لا هو ولا مريضه يستطيع أن يكون حرا، ولا هو يرضى أن يكون حرا إذا تضمنت الحرية أن يتخلى بعضنا عن بعض !! فما بالك بتخلى القادر عن المحتاج تحت زعم الحرية !!

وغدا تكمل ما تيسر.

"مراسلات الشبكة" على الفاييس بوك

<http://www.facebook.com/Arabpsynet>

\*\*\*\* \*\*

## وحدة الدراسة والبحث في الإنسان والتطور

"وحدة بحث في قراءة النص البشري من منظور تطوري انطلاقا من فكر يحيى الرخاوي"

[www.arabpsynet.com/Rakhawy/UnitStudy&ResearchHumEvol.pdf](http://www.arabpsynet.com/Rakhawy/UnitStudy&ResearchHumEvol.pdf)

### نشرة الإنسان والتطور

الإصدار الفلج حسب المحاور

خريف 2011

المحور الثالث - الجزء الثاني

### ملف العلاج النفسي

الجزء 2

مع ملحق رحدود بريد الجمعة

[www.arabpsynet.com/Rakhawy/RakBookAutumn11Part2.pdf](http://www.arabpsynet.com/Rakhawy/RakBookAutumn11Part2.pdf)

[www.arabpsynet.com/Rakhawy/RakBookAutumn11Part2.exe](http://www.arabpsynet.com/Rakhawy/RakBookAutumn11Part2.exe)

\*\*\* \*\*

للتسجيل في وحدة الدراسة و البحث في الإنسان و التطور

ارسل طلبك الى بريد الشبكة

[arabpsynet@gmail.com](mailto:arabpsynet@gmail.com)

مصحوبا بالسيرة العلمية من خلال النموذج التالي

<http://www.arabpsynet.com/cv/cv.htm>